

Date: 11 May 1562

REF: GD112/39/2/6 (SHS ed. No. 5)

Place: 'The Keir'

From: Archibald Campbell, 5th Earl of Argyll

To: Colin Campbell of Glenorchy

Address: To our traist cusing the Lard of Glenvrquhar

Traist cusingy eftir hartlie commendatioun. Forsamekle ... sall wit
yis beirar hes bene at ws namit Patrik Robertson and has
schawin ws yat my Lord of Altholl puttis at him¹ weray sair
without ony cause as he allegeis. Bot onlie for to haif hym furth
of his awin kyndlie rowmeis and takis as he will schaw
zow in lenth. And be ressonne he is now cumin to our menteining
and man do for him² in his just cause and actioun that ze
fortife and mentene him in his just cause. And speciallie to
ye keiping of his wyld horss yat is in ye muiris gif he beis
put at be my Lord of Atheall or his servandis. And gif it
be possiabil to him tak yame away furth of ye muir we
pray zow to send servandis with him to help him away. For
his hes schawin to ws yat he lippinis³ yat ze will do alsmeikle
for him as ony body. Yairfor we refar ye rest of credans
to ye beirar him self. Swa committis zou to God.
Off ye Keir ye xj of Maii 1562.

Zours,

Archibald Eryll

¹ Pressurizes. Patrick Robertson of Tullgavane and his kin were given letters of maintenance by the 5th earl, with Grey Colin acting as one of the witnesses, 21 July 1562, GD112/1/119. For Atholl's reply to 5th earl's complaints, 22 November 1562 [8].

² Must support him.

³ Trusts.